




NBA



Barkley eta Gilliam errebotea eskuratzeko lehian Ellisonekin.

Chicago Bullsek denboraldiko bigarren partidua galdu zuen

DONOSTIA

Golden State Warriorsek NBAko ezustekorik handiena eman zuen, Chicago Bulls menperatzean (110-118). Hau da egungo txapeldu- nek jarraian jasotzen duten bigarren porrota. Partidua galtzeaz gain, Bullsek Paxson joko antolatzailea galdu zuen, hirugarren laurdenean lesionatu egin bait zen. Gainera, arbitroei protestatzeagatik Phil Jackson entrenatzailea kanporatu zuten atsedenean. Michael Jordanen taldeak oso motel hasi du beraz aurtengo denboraldia.

Los Angeles Lakersek porrot egin zuten berriro ere, oraingo honetan Forumean eta Los Angeles Clippersen aurka (109-114). Mike Dunleavyk zuzentzen duen taldeak marka berria ezarri du NBA-n, aurreneko hiru partidua luzaipenera eramanez ondoren. Lakersekoen aldetik ez zuten Magic Johnson eta Vlade Divacek jokatu.

New York Knicksek denboraldiko lehen garaipena eskuratu zuten Mil-

waukee Bucks taldearen kontra, 117-85eko emaitzaz. Knicksek partidu bikaina jokatu zuen, batez ere Jackson joko antolatzaileak eta Xabier Mc Daniel hegalek. Pat Riley entrenatzaile berriak guztiz aldatu du taldearen joko sistema eta badirudi pixkanaka emaitzak jasotzen ari dela.

Denver Nuggetsek 97-96 irabazi zion San Antonio Spurs taldeari, denboraldi hasiera apartarekin jarraituz. Paul Westheaden taldeak guztiz aldatu du bere itxura, Dickembe Mutombo pibotaren fitxaketarekin. Afrikarrak joko ederra erakutsi du orain arteko partiduetan eta rookie izan arren pibot onenen aurka borrokatzeko gai izan da.

Portland Trail Blazers taldeak galdu egin zuen Houston Rocketsen kontra (99-106). Portlandekoek iaz baino motelago hasi dute denboraldia eta horri esker Houstonek ez zuen arazo gehiegi izan partidua irabazteko. Detroit Pistons aurreko partiduetan baino indartsuago agertu zen eta jipoi handia eman zion Charlotte Hornets taldeari (117-93).

SASKIBALOIA

Taugresek erraz gainditu zuen Stuttgart ondo joka ez arren

Arabarren artean oreka handia egon zen saskiratzeko orduan


Taugres Baskoniak garaipen erraza lortu zuen Stuttgarten aurka (90-74), Korac Kopako partiduan. Gasteiztarrek ez zuten ondo jokatu, baina aurrean arerio motela zuten eta ez zuten neurketan nagusitzeko arazo handirik izan. Arlauckas eta Sibilio izan ziren Taugreseko jokalaririk aipagarrienak.

PELO AIESTARAN / GASTEIZ

Taugresek Korac Kopako hurrengo kanporaketarako sailkatu zen atzo Stuttgart taldea menperatu ondoren. Herb Brownen zuzentzen duen taldeak joko motela erakutsi zuen hasierako minutuetan eta alemaniarren defentsa gainditzeko arazoak izan zituzten. Eraso estatikoan, arabarrak ez ziren batere ondo moldatu, ligako partiduetako akats berdinak egin bait zituzten.


Hala ere, Taugreseko jokariak pixkat berotu zirenean aldea hartzen joan ziren, batez ere joko azkarra egiten hasi zirenean. Pablo Lasok erritmo bizia jarri zuen eta Stuttgartekoek ez ziren gasteiztarren erasoak gelditzeko gai izan. Dan Palmerren mutilek izugarritzko arazoak izan zituzten defendatzeko orduan, beren artean ez bait ziren behar bezala ulertzen. Gainera, Taugreseko jokalariek askoz ere teknika hobea dutela argi utzi zuten, gehienetan beren pareak atzean utziz.

Erasoan ere Stuttgart gaizki ibili zen eta horren ondorioz baloi ugari galdu zuen. Barrukaldeko jokariak ez ziren gasteiztarren zonan sartzea hausartzen eta beren puntu guztiak urrutiko jaurtiketetan bidez lortzen zituzten. Lehen zati honetako azken minutuetan, alemaniarrek presioa egin zuten kantxa osoan, baina ez zuten emaitza onik lortu. Taugreseko esperientzia handiko jokariak dituzte eta presio hori behin eta berriro gainditzeko zuten. Atsedenera, Taugresek hamasei puntuko aldearekin heldu zen (52-36).



Ramon Rivas.

OLALDE



Sibilio fin ibili zen kanpoko jaurtiketetan, lasaitasuna emanez.

✓ **Trantsizio** azkarrak egin zituenean, erritmo bizian, erraz nagusitu zen Taugres; baina joko estatikoan motel ibili ziren gasteiztarrek.

STUTTGARTEK Bigarren zatian
HASIERA Stuttgart indartsu
INDARTSUA aterata zen, Taugrese-
sek zuen abantaila murrizteko as-
moz. Alemaniarrek bederatzi pun-
tura jartzea lortu zuten, 0-6ko par-

tziala egin ondoren (56-47), baina hortik aurrera Taugresek aldea handitzen joan zen berriro ere. Arabarrek oso gaizki jokatu zuten lehen minutu horietan, bai defentsan zein erasoan eta baloi ugari galdu zuten.

Stuttgart kanpoko jaurtiketak egiten saiatu zen bigarren zati honetan ere, Taugresen defentsa apurtu nahian. Hala ere, ez zuten gauza handirik lortu, huts gehiegi egin bait zuten. Gainera, errebotetan nagusitasun osoa erakutsi zuten Taugreseko pibotak. Amaieran, Taugres garaile 90-74ko emaitzarekin eta Herb Brown haserre, Taugresek behar baino lasaia jokatu bait zuen.

Profesionaltasuna

Lau gizon dira Herb Brown entrenatzailearen eskema osatzen dutenak: Laso, Sibilio, Rivas eta Arlauckas. Bi urtetan egin du lan jokalaria hauekin, eta badaki bakoitzari zenbaterainoko fruitua aterata ahal dion. Datorren urterako helburu handiak ezarri ditu Taugres Baskoniako entrenatzaileak, eta baita baldintzak ere. Kontratua luzatu berria du, eta orain duen plantila mantentzen badu direktibak, atzeritar on bat txertatuz, ACB Liga irabazi nahi du Brown.

«Taldea ona daukagu. Laukote sendoa eta gorantz egin behar duten jokariak, Dicenta, Juane, Abad, Sala eta Garcia. Iparramerikar on bat fitxatuz gero, ACB txapelketa irabazi eta Europar Liga jokatzeko da nire helburua», Herb Brownen hitzetan. 30 urtetik gora entrenatzaile postuan, eta inoiz izan dituen hiru talde onenen artean sartzen du Baskonia. «Lana» besterik ez die eskatzen jokalariei. Stuttgarten kontrako kanporaketa erabakita izanda ere, taldeak tentsioa galdu eta biziki haserretu zen entrenatzailea.

Klubeko zuzendaritzari ere profesionaltasuna exigitzen dio. «Hemen oso gustora nago, baina direktibak talde txapelketa izateko beharrezko guztia lortzen ez badu, ez zait kanpoko eskaintzarik falta». Jarrai dezala Gasteizen.

MENDI ETA
BIDAIAK
LIBURUDENDA

BORDA
LIBURUAK

ONDO PASA

Santimamneko Koba, 2 (Cantón Fueros - Pza. Nueva) Tfnoa. 94/ 4159465 - FAX 94- 4163610-48005 BILBO